

Broj: 01/66/24

Datum: 9. 2. 2024. godine

Na osnovu člana 113. Statuta Univerziteta u Sarajevu, na 3. redovnoj sjednici u 2024. godini održanoj 9. 2. 2024. godine, Vijeće Instituta za jezik Univerziteta u Sarajevu donosi

ODLUKU
o prihvatanju Programa rada Instituta za jezik za 2024. godinu

I

Prihvata se Program rada Instituta za jezik za 2024. godinu.
Sastavni dio ove odluke je Program rada Instituta za jezik za 2024. godinu.

II

Odluka stupa na snagu danom donošenja.


DIREKTOR


džić

Dostavljeno:

- Evidencija Vijeća Instituta
- Služba za izdavačku djelatnost, biblioteku i informiranje
- Služb za računovodstvo, plan i analizu
- a/a

Sekretar Instituta za jezik Univerziteta u Sarajevu potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Instituta za jezik Univerziteta u Sarajevu nadležno za donošenje istog shodno članu 69. Zakona o visokom obrazovanju („Službene novine Kantona Sarajevo“, broj 36/22) i članu 113. Statuta Univerziteta u Sarajevu.

Hadid Anara

Na osnovu ranije usvojenog *Programa rada i razvoja Instituta za jezik Univerziteta u Sarajevu*, za mandatni period od 2021. do 2025. godine, te na osnovu *Izdavačkog plana Instituta za jezik UNSA* predlažem na usvajanje

**PROGRAM RADA
INSTITUTA ZA JEZIK UNIVERZITETA U SARAJEVU
ZA 2024. GODINU**

U skladu s postojećim četverogodišnjim programom rada i u skladu s aktuelnim izdavačkim planom Instituta za jezik Univerziteta u Sarajevu, oslanjajući se na usmjerenje naučnoistraživačkih i stručnih djelatnosti na:

- istraživanje savremenog jezika, s ciljem stvaranja pretpostavke za upotpunjenje i inoviranje jezičkog standarda;
- gramatička istraživanja u fonologiji, morfologiji i sintaksi;
- istraživanje historije jezika, s ciljem utvrđivanja i praćenja osobina književnojezičkog izraza kroz historiju, a posebno zbog opisivanja predstandardnih idioma i naročito zbog njegovanja tradicije i kontinuiteta narodnog i književnog jezika u cjelini;
- istraživanje različitih aspekata u jeziku bh. pisaca, naročito frazelološka istraživanja;
- dijalektološka istraživanja, s različitim aspektima pristupa dijalektološkoj građi i obradi osobina narodnih govora, naročito zbog činjenice o prestižnom novoštokavskom i/ili novoštokaviziranom dijalekatskom području u odnosu na druge govorne zone;
- leksikološka istraživanja i leksikografsku praksu, koja će obuhvatati različite sfere jezičke struke i nauke, a shodno potrebama koje nalažu sadašnje stanje i nadolazeće perspektive
- sociolingvistička istraživanja.

Rad na temeljnim istraživačkim i izdavačkim projektima Instituta za jezik u 2024. godini odnosi se na sljedeći

POPIS PROJEKATA ZA 2024. GODINU:

- *OSNOVI HISTORIJE BOSANSKOGA KNJIŽEVNOG JEZIKA*
- *BOSANSKA DIJALEKTOLOGIJA*
- *HISTORIJSKI RJEČNIK BOSANSKOG JEZIKA*
- *DOVOLJSKO EVANĐELJE*
- *JEZIČKE ODLIKE I KULTUROLOŠKI ASPEKTI BOSANSKE AREBIČKE (BOSNEVIJSKE) LITERATURE*
- *BOSANSKI RJEČNIK USMENE NARODNE TRADICIJE*

- *BOŠNJAČKE PJESME ERLANGENSKOG RUKOPISA: Lingvistička analiza*
- *FRANJEVCI I BOSANSKI JEZIK (monografija)*
- *ONOMASTIČKA ISTRAŽIVANJA U BOSNI I HERCEGOVINI: Toponimija Breze*
- *BOSANSKI AKCENATSKI ATLAS*
- *BOSANSKE IZGOVORNE VARIJANTE MUSLIMANSKIH LIČNIH IMENA*
- *BOSANSKI ELEKTRONSKI KORPUS*
- *TERMINOLOŠKA LEKSIKA U BOSANSKOM JEZIKU*
- *BOSANSKOHERCEGOVAČKI DIJALEKTOLOŠKI ZBORNIK*
- *GRAĐA ZA PRAKTIČNI BOSANSKI RJEČNIK: SINTAGMATSKI, KOLOKACIJSKI I FRAZEOLOŠKI*
- *GENERATIVNI OPIS GRAMATIČKOG SISTEMA BOSANSKOG JEZIKA*
- *DANI INSTITUTA ZA JEZIK 2024.*
- *PUBLICISTIČKI STIL STANDARDNOG JEZIKA:
Značenje i distribucija vremenskih glagolskih oblika*
- *HRONIKA RADA INSTITUTA ZA JEZIK (monografija)*

Institut će raditi i na tome da najnovije rezultate naučnoistraživačkih aktivnosti promovira u široj javnosti, a s dodatnim ciljem jačanja svijesti o bitnosti jezika u različitim razvojnim društvenim procesima. U vezi s navedenim Institut će raditi na popularizaciji nauke o jeziku, naročito kroz javne događaje i obilježavanje važnih datuma, medijske nastupe, tribine, savjetovanja, i slično. Osim samostalnog rada i djelovanja, vizija Instituta nalaže i blisku saradnju sa svim relevantnim srodnim ustanovama, organizacijama i institucijama, kao i pojedincima istraživačima, koji mogu skupa s Institutom dati izrazit doprinos u oblasti razvoja naučnoistraživačke djelatnosti kojom se Institut bavi, kao i u poljima primijenjenih istraživanja u razvoju jezičke struke, naročito u domeni osnovnog, srednjeg i visokog obrazovanja, ali i u domeni razvoja kulture na svim društvenim nivoima.

Sarajevo, 7. februar 2024.

Dr. J. [redacted] Instituta

